



Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

22 Juillet 2016 ~
(17 Shawwal 1437 AH)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lor le sujet « Le Temps, L'Islam & La Propreté »:

Lé temps li en vérité parmi bane pli précieux facteurs de nous la vie dans sa le monde ici-bas là, parski li représente trésor ki Allah (swt) fine donne sakaine parmi nous. En effet, pas ena aucaine jour ki commencé sans ki sa jour là dire à l'homme : « *O garçon Adam, mo ene nouvo création, mo témoin de to bane actions, servi-toi de moi parski zamais mo pou retourner ziska Jour kot tous dimounes pou relever (c'est-à-dire, Jour Jugement).* »

En d'autres mots, le temps, dans ene terme plus facile c'est bane jours ki nous pé vive au quotidien dans sa lémonde ici-bas là. Allah (swt) fine accorde nous sa (létemps et opportunité là) afin ki nous capave accompli nous bane devoirs, et saryé nous bane fardeaux et responsabilités lourds ki Li fine mette lor nous zépaul. Nous bizin accomplir bane travaux ki Li fine donne nous là, bane tels travaux ki nous oblizer faire lor sa la terre là afin ki nous gagne la victoire, dans sa le monde ici-bas là et aussi dans *Aakhérat*.

Afin pou bénéficier au maximum de nous lé temps, nous bizin conné ki ena ***cinq types de bane jours*** : (1) Jour ki fine perdi, (2) Jour ki porte témoignage, (3) Le jour promis, (4) Le jour ou l'Heure ki pou arriver sans aucaine doute, et aussi (5) Le jour ki étendu. Le premier c'est ene jour ki traversé sans ki sa apporte kit bénéfice pour l'homme, parski l'homme fine laisse li aller sans profite au maximum de li. Deuxième là li pli grave parmi tout parski c'est ene jour kot ene serviteur d'Allah fine accumule seulement bane mal et so situation devant Allah alor pas bon ditout. Quant à troisième jour là, li pé réfère au jour final, le jour de règlements de bane comptes ki sa dimoune là pou rencontrer couma li mort. Quant à quatrième jour là, c'est le jour

de la Résurrection, le jour du Jugement kot bane dimounes pou rélévé et pou bizin rende compte devant Allah. Et lapse lé temps passé entre bane différents jours li connu comme le jour ki étendu. Ene réflexion approfondie lor sa bane jours là pou aide ene croyant pou comprend en profondeur valeur lé temps.

Ene dimoune ki saint d'esprit zamais pas pou perdi so lé temps ni pou continié persister pou égare li sans kit prise de conscience. En effet, couma eski li pou capave fer sa kan Allah (swt) fine fer serment par le temps ?

« (Mo fer serment) Par le Temps ! Dimoune forcément dans la perte, sauf bane ki gagne la foi et fer le bien, et ki conseille ene à l'autre la droiture et ki conseille la patience. » (Al-Asr 103: 2-4)

Sak croyant bizin conné ki sak jour de so la vie ki passé, li pas pou rétrouve li encore excepter kan li pou arrive jusqu'à le jour de la Résurrection, kot tous dimounes pou réléver.

Lé temps jours en jours pé paraite de plus en plus courte, mais malgré sa, bane dimounes « *ena lé temps* » pou perdi ou pluto, couma sa l'expression là dire en créole, zot « *touye lé temps* » sans rende zot compte de la gravité de la situation. Beaucoup de bane dimounes passe des heures et des heures devant télévision, d'autres devant zot computer ou bane consoles de jeux ou même zot téléphones portable. Ena aussi bane ki assizé dans bane chemins, enba bane la boutiques, ou tabagies pendant des heures et des heures pou guette bane passants aller. Certains bane dimounes passe même zot lé temps pou veille zaffaire de bane les autres dimounes et mêle zot de sa bane là zot la vie privée, tandis ki bane les autres perdi zot lé temps et l'argents dans bane maisons de jeux – kot zot zoué billard, baby-foot et zot aussi alle dans bane casinos. Eski sa bane dimounes là conscient de la gravité de zot actions, eski zot pas réaliser ki ene jour, pou fer zot rencontre le jugement dernier et ki zot pou ena pou réponne à bane questions telles ki : « *Couma eski to fine passe to jeunesse ?* » « *Ki to fine fer de to connaissance/ l'intelligence ?* », « *Kot sa sa to fine accumule bane richesses ?* », et « *Kot sa sa to fine dépense sa (richesse là) ?* » et finalement « *Couma eski to fine utilize to lé corps ?* » Alor pour sa bane kalité dimounes là, ki zot réponses pou été ?

Donc, nous bizin nous tous ensam faire ene ti réflexion lor sa bane quelques mots là : « *L'homme li lor la terre pour quelques jours seulement. Quand ene jour traversé (dans so la vie), ene partie de li aussi aller!* »

Et pour terminer, mo ti envie aussi adresse zot quelques mots lor l'Islam et la protection de l'environnement.

La propreté li pas ene sujet secondaire. L'islam fine accorde ene telle l'importance à la propreté ki li considéré comme ene partie intégrante de nous la foi. Le Saint Prophète (saws) fine dire : « *La propreté c'est la moitié de la foi.* » (Muslim).

Quran Shareef dire aussi : « **Allah pas cherche mette difficulté lor ou, mais Li oulé purifier ou, et donne ou tous bane faveurs possibles, afin ki ou montrer reconnaissance.** » (Al-Maida 5 : 7).

Et li (Quran) aussi mentionner ki « **Allah content bane ki tourne vers Li (en repentir) et bane ki garde zot propre.** » (Al-Baqara 2: 223).

Toutefois, la propreté pas applique seulement à nous lé corps, mais li concerne également nous l'environnement. Le Saint Prophète (saws) fine interpelle nous: « *Garde l'endroit ki trouve devant zot la caze propre de façon à ne pas offense bane passants.* »

Nous comprend alor commié li important pou nous ki nous maintenir pas seulement nous l'intérieur mais ki nous bizin aussi respecter l'endroit kot nous rester, c'est-à-dire, nous l'endroit, nous la ville et par-dessus tout, la nature. Sa c'est ene l'ordre de nous bien-aimé Prophète (saws). Par conséquent, en tant ki musulmans, nous bizin, sous peine attire la colère d'Allah (swt) lor nous, nous bizin conforme nous à sa l'ordre là. En plisse de sa, faudé pas ki nous oublier ki nous comportement li le reflet de l'islam. Bane les autres juge nous religion à travers nous façon d'agir. Certains penser ki ene la caze bien en ordre, ki bien maintenir li ene perte de temps et ki sa zaffaire pou garde la caze propre là pas ena aucaine l'importance dans lizié d'Allah (swt). Mais au contraire, pareil couma nous fine trouver dans sa Khutba Jummah là, sa li bien bien important et ena beaucoup l'importance dans lizié d'Allah.

L'environnement c'est ene facteur vital aussi bien pour l'homme ki pour bane les autres créatures, bane les autres êtres vivants. Allah (twa) dire : « **C'est Li (Allah) ki fine créer ou de la terre, et ki faire ou vivre lor là.** » (Hud 11: 62).

Allah (swt) fine crée bane les ciels et la terre de sorte ki zot fonctionner de manière spontanée afin pou « facilite la vie » de l'homme. Allah dire : « **C'est Li ki fine place la terre comme ene tapis pou ou, et léciel comme ene toit pou couvert ou. Li faire dilo tombé depuis lor léciel et Li produire avec sa bane fruits pou ou nourriture. Alor pas considère d'autres kitchose égale à Allah, maintenant ki ou conne la vérité.** » (Al-Baqara 2: 23).

Le Saint Prophète (saws) ti pé insisté pour ki bane chemins reste propres et ki zot débarrassé de tous bane débri, cailloux et tout bane kitchose ki pou capave gêne passage de bane dimounes. Sak fois ki so la route ti encombré avec bane telles kitchoses, li ti pé enlève zot, et li ti pé dire : « *Kan to écarte ene mal d'ene chemin, to pé faire ene charité.* » (Bukhari).

Hazrat Muhammad (saws) ti pé aussi prend bien à cœur pou veiller à séki delo ki destinée pou être consommé par bane dimounes zot préserver dans ene l'endroit ou récipient claire et propre. Par exemple, li ti pé défanne ki dimounes zette quoique ce soit dans ene réservoir dilo, ou ki zot servi sa delo là dans ene telle façon ki risqué alle rende sa delo là malpropre/ impure. (Bukhari & Muslim).

L'Islam fine préserve l'environnement en interdizant à bane dimounes pou nuire li et li (l'Islam) fine ordonne bane dimounes, surtout bane croyants pou protégé l'environnement. Le Saint Prophète (saws) fine dire : « *N'importe ki musulman ki plante ene pié ou cultive la terre et ki ene oiseau ou ene dimoune ou ene zanimalo mange de sa, alor sa pou considéré couma ene aumône (ene acte de charité) de so part.* » (Bukhari & Muslim).

Azordi jours, li arriver ki nous oublier ki être ene musulman li pas limiter seulement à nous bane adorations (Ibaadat) de tous les jours, mais ki l'Islam ena aussi bane divers extensions, bane prolongements ki bizin aussi faire partie complète de nous la vie. Commié musulmans valaire dizour pé engage zot réellement pou empêché la pollution et pou nuire l'environnement ? Nous trouver ki c'est pluto bane les autres peuples ki pé investi beaucoup plisse dans sa domaine ki pourtant islamique. Et si nous doute encore de l'importance vitale ki la propreté ena dans nous la vie, dans tout l'aspé, alor couma eski nous pou expliquer ki bane non-musulmans, plisse ki bane musulmans, zot reconnaite so grand valeur ? Si l'Islam exhorte nous dans sa sens là, alor nous, bane musulmans nous ti bizin mille fois pli conscient et fer zéffore ki sa bane les autres peuples de différent croyances ki nous, parski sa bane là pas fine recevoir aucaine l'ordre de zot Seigneur (Rab) pou fer sa, et pourtant, zot pé applique zot dans sa travaille (bien important) là.

Si Allah (swt) fine crée l'univers et fine imprime so beauté lor là, alor c'est au tour de bane dimounes maintenant, surtout bane vrais croyants pou faire honneur à sa beauté là à travers la purification de so l'environnement et aussi à travers bane initiatives pou amène ene lutte contre la pollution. Ki Allah aide nous tous pou faire maximum zéffore dans sa domaine là et pou faire Li plaisir en gardant nous-mêmes avant tout et aussi nous l'environnement propre afin pou donne le meilleur exemple au reste de l'humanité. *Insha-Allah, Ameen.*